

SAKSPAPIR

Saksnr	Utval	Type	Dato
121/17	Plan- og kommunalteknisk utval	PS	27.09.2017

Saksbehandlar	ArkivsakID
Bente Skjerping	15/3700

Krav om lovlegkontroll for sakene 069 og 070/17 - grunnlag for avgjerd om inhabilitet for utvalsmedlemmer

Vedlegg:

53/26 - Midtre Mjelde - Søknad om dispensasjon til oppføring av endra hustype - klage
Ber om opplysningar - Lovlegkontroll - Osterøy - Gnr 53 Bnr 26 - Midtre Mjelde - vedtak om dispensasjon til oppføring av endra hustype

53/26 - Midtre Mjelde - ulovleg oppført garasje - lovbrotsgebyr - klage

Rådmannen sitt framlegg til vedtak:

Plan- og kommunalteknisk utval - 121/17

PL - behandling:

Til møtet vart epost frå Lars Fjeldstad, SP, med uttale til spørsmålet om ugildskap for sitt vedkomande delt ut.

Siren Tyssebotn, FRP, la fram uttale frå FRP.

Atle Solberg, H, viste til utvalet si handsaming i møtet 31.05.17, sakene 069 og 070/17 og gjorde slikt framlegg : "Fleirtalet i utvalet vedtok å kjenna representantane Øyvind Litland, AP, Torunn Åsheim, AP og Lars Fjeldstad, SP ugilde i sakene 069 og 070/17. Vedtaket var basert på at søkjar hadde politianmeldt dei tre, og at dei var under politietterforsking. Dei fekk ikkje høve til å uttala seg i saka. Rådmannen sender svar til fylkesmannen basert på dette grunnlaget. "

AVRØYSTING

Atle Solberg sitt framlegg vart vedteke med 5 røyster (1H,2AP,1V,1KRF) mot 2 røyster (2FRP)

Utvalet slutta seg til at uttalen frå FRP vert lagt ved saka ved oversending til fylkesmannen.

PL - vedtak:

Utvalet sitt svar:

"Fleirtalet i utvalet vedtok å kjenna representantane Øyvind Litland, AP, Torunn Åsheim, AP og Lars Fjeldstad, SP ugilde i sakene 069 og 070/17. Vedtaket var basert på at søkjar hadde politianmeldt dei tre, og at dei var under politietterforsking. Dei fekk ikkje høve til å uttala seg i saka. Rådmannen sender svar til fylkesmannen basert på dette grunnlaget. "

Saksopplysningar:**Saksopplysningar:****Bakgrunn**

Fylkesmannen i Hordaland viser til krav om lovlegkontroll av vedtak i sakene 069/17 og 070/17 Midtre Mjelde søknad om endra hustype, klagesak, og ulovleg oppført garasje/lovbrotsgebyr, der tre av utvalsmedlemmene vart kjende ugilde.

Fylkesmannen ber no om å få opplyst om avgjerda om ugildskap utelukkande var basert på at tiltakshavar hadde politianmeldt desse tre medlemmene, eller om det også låg andre tilhøve til grunn. Dersom avgjerdene også er baserte på andre tilhøve, må utvalet gjera greie for kva tilhøve dette er og kva vurderinga som vart gjorte. Det må opplysast om dei medlemmene fekk uttala seg om tilhøva før utvalet si avgjerd og kva dei i tilfelle gjorde gjeldande.

Vurdering

Rådmannen viser til utvalet si handsaming og har ikkje merknader til saka.

Folkehelse – ikkje vurdert

Miljø- ikkje vurdert

Økonomi – ikkje vurdert

Konklusjon

Saka vert lagt fram for plan- og kommunalteknisk utval til handsaming.